



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

De Divortiis Propter Saevitiam, veneficia, & insidias structas vitæ.

urn:nbn:de:hbz:466:1-36094

sonæ quæ habet naturæ vires integras, concedi aliam feliciorē copulationem legitimam. Sed ad explorandam frigiditatem iura tempus constituerunt, si res dubia est, ne ante triennium fiat seivinctio.

Eodem modo pronuntiant de ijs, in quibus natura ita læsa est, ut sine aut veneficio, ut ope medica sanari non possit, si toto triennio frustra tentata est medicatio.

TANTA est autem virtus aliquarum mulierum, ut occultent imbecillitatem virorum, sicut viri doctissimi Simonis Grynei fover narravit, se mortua prima coniuge duxisse viduam virginem, quæ undecim annos nupta fuerat viro frigido, nec vnquam vili ante mortem viri hanc rem patefecit.

DE DIVORTIIS PROPTER SÆVITIAM,
veneficia, & insidias structas vitæ.

Cum textus Matth. 19. tantum faciat mentionem Adulterij, valde pugnant aliqui, non posse fieri diuortia propter sævitiā & insidias vitæ structas. Sed in Codice lex Theodosij, quam existimo gravi deliberatione priorum scriptam, ut tunc vstitata diuortia restringeret ad certos casus, concedit diuortium etiam in his casibus.

Et si autem aliqui reiiciunt hanc legem, & contendunt eam ab Evangelio dissentire, tamen hi non recte intelligunt discrimen legis & Evangelij. Et cum expresse dicat Dominus, in politia Moysi diuortia permitti esse propter duritiem cordis, significat aliam esse gubernationem hominum sanabilium, qui sunt membra Ecclesiæ, & volunt obtemperare Evangelio: aliam politiam impiorum & contumacium, qui frænos legum pati nolunt.

Si quis est igitur talis maritus, qui sævitiā in coniugem exercet, & admonitus à Pastoribus non desinit furere, & domesticæ Ecclesiæ inuocationem turbare, & uxorem ita crudeliter tractare, ut vita in periculo sit, hic certe Magistratus politici imperio coercendus est, qui non solum vitam personæ innocentis tueri debet, sed etiam debet eius conscientiam considerare, ne fracta dolore & indignatione, tandem abiciat inuocationem, aut aliquid iniuste faciat, ut dicitur: Furor fit læsa sæpius patientia. In eo casu in persona crudeli, non pertinente ad Ecclesiam, Magistratus politicus Theodosij lege uti posse videtur.

IMPERIA politica vult Deus honori esse bonis, & terrori malis. Vult Deus tegi eos, quorum mores sunt sine scelere, vult eis concedi pacem ad inuocationem, ad educationem & ad institutionem sobolis, vult latrones reprimi, siue domi, siue foris latrocinia exercent. Nec defunt vnquam in imperijs homines contumaces, iniusti & *ἀσεβεις*, exercentes in suos iniustam sævitiā, quales nominat Dominus in hac cōtione duos corde.